

Unan goh :

Deviz étré ur boulom hag un dén ieuank

Ton anaüet

Un den ieuank e !aré d'ur boulom forh oédet :
Arsa' ta, boulomig koh, nag a beban é tet ?

2

Er boulom :

E tan mé trist ag er vourh a interrein me far,
Rannet é d'ein me halon dré' r chif hag er glahar.

3

En den ieuank :

Pe iehen-mé, boulomig, é pen me finèseu
M'em béhé hou merh Janton hemb hou kourhemenneu.

4

Er boulom :

Taüet, taüet, dén ieuank, ne véet ket valigant,
En amzér hou tigasou bout ne veet koutant.

5

M'em es bet mé un amzér, betag tri-uigent vlé,
Andur geu ne hellen ket nameit er huirioné.

6

Bremen em es un aral e zou kontrél dehi ;
Andur geu e zou ret d'ein, dihuen ne hellan mui.

7

En den ieuank :

Kerhet, kerhet, boulomig, get hou soufleu merget,
Rak en tachenneu guellan e zou genoh berpet.

8

Hui hou pé er pen d'er hlué mesk er bouteilladeu,
N'em bé meit er pen d'en dias leh vé nebetan treu.

9

Er boulom :

Petra, dénig diavis, ne houieh ket erhat
E en hanj koh atañ ia er hetan d'er plad ?

— 219 —

10

É en hani koh e dro ketan er préhèsion
Hag er hoh rauk er ieuank e pep sord kondision ?

Kañnet get Jerom en Dilhuit, a Sant-Inan.

Hanùeu

Sent er vro e zeliér rein de vugalé hur bro ni

**Breihiz, a pe hues un hanù de rein d'ur hroèdur,
keméret unan ag er ré-men :**

PAUTRED

Iehann (eskob Sant-Maleu)	Goal
Maudan	Mérin
Aman	Derian
Ehouarn	Félix (abad Ruis)
Rieg	Domél
Gravé	Kireg
Ignereg	Guenneg
Hinguéhen	Evarzeg
Ruellin	

MERHED

Ediltrud	Guen
Enora	

Dihustelleu

Reskond d'en dihostelleu devéhan a *Zihunamb* :

- I. — Roched ur meliner, rah bamdé é sterd goug ur laer !
- II — Pe grog er chas én ou diardran.
- III. — Rak ne houï ket émen é ma pen é hulé.

DIHUSTELLEU ARAL

I

Perak é hrér fornieu ér hériéu ?

II

Pegours e hra muïoh a boén en dent d'er mestr aveit d'er meüel ?

III

Perak é lakér kentoh ur hog aveit ur iar ar veg en tour ?

(Dasumet é Nein)

Er reskond d'en dihostelleu-nuen e vou kavet é *Dihunamb* ben er huéh ketan.